



30. juni 2022

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

Naalakkersuisunut apeqqutit:

1. **UPA 2022 27. April 2022 apeqqarissaartoqarnerani Corona peqputigalugu nappaalasoqarneranut atatillugu meeqqat atuarfiat matoqqanikuusimanera pillugu atuartut arlaatigut sunnertissimanersut misissorneqarnissaanut Naalakkersuisoq akisussaaffimmik tigusiniarluni neriorsuivoq. Misissuineq qanoq ittoq aallarnisarneqassanersoq Naalakkersuisoq paasissutissiisinnaanerluni?**
 - a. Misissuineq qaqugu aallarnisarneqassanersoq Naalakkersuisut naatsorsuutigaat?
 - b. Misissuinnermiit inernerit qaqugumita saqqummiunneqarnissaat Naalakkersuisut naatsorsuutigaat?
2. **Nuummi timersorneq pillugu isumasioqatigiinneq maj 2022-mi suut angusarineqarpat?**
 - a. Isumasioqatigiinnermiit inernerit tunngavigalugit Naalakkersuisuniit suliniutit suut aallarnisarnisarneqalerpat?
3. **UPA 2022 27. April 2022 apeqqarissaartoqarnerani meeqqat tamarmik peqatigiiffinnut tamanut peqataasinnaanissaat qulakkeerniarlugu, ilaqutariit aningaasatigut ikiortariallit ikorfartorneqarnissaat anguniarlugu aqqiissutinik misissuiniarluni Naalakkersuisoq neriorsuuteqarpoq. Aqqiissut taamak ittoq qanoq ingerlariuseqassanersoq Naalakkersuisut qanoq eqqarsaateqarpat?**
 - a. Aningaasaliissut qanoq annertutigisoq tunniunneqartarnissaa sulissutigineqarpa?
4. **Naalakkersuisoq ilisimatitsivuttaaqq meeqqat atuarfianni ilinniartoqarfinnilu naligiissitaaneq qiviarneqassasoq, nukappiaqqat angutillu inissisimaffitigut arnaniit kinguarsimanerummata. Nukappiaqqat angutillu meeqqat atuarfianniinnerat ilinniartuunerallu pitsaanerusumik atugassaqartikkumallugit Naalakkersuisut suliniutit suut pingaartitariniarpaat?**
5. **Corona peqputigalugu nappaalaneq kingunerisaanik nunatta atuarfeqarfiini misilittagarilersimasaniq Naalakkersuisoq allanik paasissutissiisinnaanerluni?**

(Inatsisartunut Ilaasortaq Anna Wangenheim, Demokraatit)

Tunngavilersuut

UPA 2022 ingerlanneqarnerani Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq apeqqarissaarnera soqutiginaateqarsimavoq. Apeqqarissaarneq politikikkut oqallisissanik nutaanik tunngaviliisimavoq.

Taamaattumik suliniutissat qulaani eqqaaneqartut aallarnisarneqarnissaanut aningaasatigullu qanoq pisariaqartitsisoqarnerasoq paasissallugu soqutigintartippara. Innuttaasunullu suliniutit uku pingaarutillit



piviusunngortinnissaanut politikkikkut suleqatigiilluassagutta oqaloqatigiinnerit ammasuunissaat aaliangiisuussapput.

Isertugaataangilaq angutit pisinnaatitaaffii ilinniarfeqarfinnullu isersinnaanerit unammillernartumiittoq, isertartut qaffasinnerusumillu ilinniaqqiffinnut agguaqatigiinnerat eqqarsaatigalugit.

Immaqaana inuiaqatigiit sannaa aammalu atuarfeqarfiit ilinniarfeqarfiillu sannaa angutit akornanni imminut toquttarneq annertuneranut aamma aallaaveqartoq.

Ilinniartitaaneq inuinnarmut inuiaqatigiinnullu iluaqutaasussaammat nunatta siunissamut aningaasaliissutitut atortariaqarpaa. Taamaattumik aaliangiisuulluinnarpoq periarfissat pisinnaatitaaffiillu inuiaqatigiinni eqimattat aaliangersimasut kisimi pinnagit suliniuteqartuarnissarput pingaaruteqartoq.

Apeqqutit ullut qulit suliffiusut iluanni akineqareersimanissaat kissaatigaara.